

# হে স্বর্গাভীবন



আমাদের লহ গো প্রণাম



সঙ্ঘ পরিচালিত কর্মচারীদের প্রশিক্ষণ ক্ষেত্রে ভাষণরত পূজা স্বামীজী



শ্রীমৎ স্বামীজী কেন্দ্রীয় সরকারের প্রাক্তন জল ও জলসম্পদ বিভাগীয় মন্ত্রী  
শ্রীমতী বিজয়া চক্রবর্তীর সঙ্গে আলোচনারত



সংজ্ঞের ঢেংহি শাখায় সঙ্ঘ পরিচালিত বিদ্যালয়ের ছাত্রদের সঙ্গে পূজা স্বামীজী



সংজ্ঞের খাতড়া শাখায় পাঠ্যপুস্তক বিতরণে পূজা স্বামীজী



দক্ষিণ ২৪ পরগনার সোনাখালীতে প্রাথমিক বিদ্যালয়ের উদ্বোধনে পূজ্য স্বামীজী



মজের বারানসী কেন্দ্রে কম্পিউটার প্রশিক্ষণ কেন্দ্রের উদ্বোধনে পূজ্য স্বামীজী

## পরম পূজ্য সঙ্ঘ-সভাপতি শ্রীমৎ স্বামী ত্রিদিবানন্দজী মহারাজ স্মরণে

স্বামী অরুণানন্দ (যুগ্ম-সম্পাদক)

সঙ্ঘের বর্ষময় স্বর্ণচূড়া হইতে আরও একটি উজ্জ্বল হীরকখণ্ড খসিয়া পড়িল। সঙ্ঘের ষষ্ঠ সভাপতি পরম পূজ্যপাদ শ্রীমৎ স্বামী ত্রিদিবানন্দজী মহারাজ গত ১০ই অক্টোবর, ২০১২ সন্ধ্যা ৫-৪৫ মিনিটে দেহত্যাগ করিয়া চির-আকাঙ্ক্ষিত শ্রীশ্রীঠাকুরের শ্রীচরণে বিলীন হইয়াছেন। তাঁহার বয়স হইয়াছিল প্রায় ৯৫ বৎসর। ইং ২০০৫ সালে জানুয়ারিতে সঙ্ঘের পঞ্চম সভাপতি পূজ্যপাদ শ্রীমৎ স্বামী অক্ষয়ানন্দজী মহারাজের দেহত্যাগের পর শ্রীমৎ স্বামীজী সঙ্ঘের ষষ্ঠ সভাপতির দৌরবময় পদ অলঙ্কৃত করেন এবং অত্যন্ত দক্ষতার সহিত সঙ্ঘকে পরিচালনা করেন।

সঙ্ঘনেতা ভগবান আচার্যদেব জীবোচ্ছারকল্পে জগতে আবির্ভূত হইয়া কঠোর তপস্যায় সিদ্ধিলাভ পূর্বক এই “ভারত সেবাশ্রম সঙ্ঘ” সৃষ্টি করেন। প্রায় ৮০ জন উচ্চাকাঙ্ক্ষী তরুণ মহাসাধক তাঁহার তপশ্শক্তির আকর্ষণে আকৃষ্ট হইয়া সসোবের মায়াজাল ছিন্ন করিয়া তাঁহার এই জগৎ কল্যাণরত্নে আত্মসমর্পণ করেন। তাঁহাদিগকে সম্মান দান পূর্বক তিনি এই মহাসঙ্ঘ গড়িয়া তোলেন। সঙ্ঘরূপ বিরাট হর্মের তাঁহারই স্তম্ভরূপ। তন্মধ্যে যে মাত্র দুইজন জীবিত ছিলেন, তাঁহাদের মধ্যে একজন এই শ্রীমৎ স্বামীজী শ্রীচরণে বিলীন হইলেন। অবশিষ্ট মাত্র একজন — শ্রীমৎ স্বামী রামানন্দজী মহারাজ বর্তমান আছেন।

সঙ্ঘের সম্যাসী-ব্রহ্মচারিগণ সাধারণতঃ পূর্বাশ্রমের কথা বলিতে চাহেন না। সেজন্য তাঁহাদের পূর্ব পরিচয় বিশেষ কিছু জানা যায় না। তবে অনুসন্ধান করিয়া যেটুকু জানা গিয়াছে, তাহা এই —

পূজ্যপাদ শ্রীমৎ স্বামীজীর পূর্বাশ্রম ছিল চব্বিশ পরগণা জেলার শ্রীখণ্ড গ্রামে। তাঁহার পূর্ব নাম ছিল — শ্রীনিরঞ্জন। তিনি গড়িয়া বরদাপ্রসাদ উচ্চ বিদ্যালয়ে পড়াশোনা করিতেন। সেই বিদ্যালয়ের প্রধান শিক্ষক শ্রীললিত মোহন সরকার মহাশয় ছিলেন ভগবান আচার্যদেবের আশীর্বাদপ্রাপ্ত দীক্ষিত সন্তান। তিনি ইং ১৯৩২ সালের ৭শিবারাত্রির পুণ্য দিনে তাঁহার বিদ্যালয়ের কয়েকজন ছাত্রকে লইয়া কলিকাতা বালিগঞ্জ আশ্রমে আসেন এবং তাহাদিগকে শ্রীমৎ আচার্যদেবের সহিত সাক্ষাৎ করাইয়া আশীর্বাদ গ্রহণ করেন। শ্রীমৎ স্বামীজী

ছিলেন তাঁহাদের মধ্যে অন্যতম। প্রথম দর্শনের দিনেই ভূত-ভবিষ্যৎ-দ্রষ্টা ভগবান আচার্যদেব তাঁহাকে বলেন — “তুমি তো আমার চিহ্নিত সন্তান, তোমার সহিত আমার বহুদিনের সম্বন্ধ।” তখনই তাঁহাকে মঙ্গলীক্ষা দান করেন।

তারপর ইং ১৯৩৫ সালের ডিসেম্বর মাসে কোন এক অজ্ঞাত আকর্ষণে তিনি গৃহত্যাগ করেন এবং কয়েকজন অপরিচিত সাধুর সহিত ঘুরিতে ঘুরিতে এক রাত্রিতে সন্ধ্যার গয়া সেবাশ্রমে উপস্থিত হন। পরদিন ভোরে মন্দিরে গিয়া দেখেন — এ যে তাঁহারই প্রাণদেবতার আশ্রম। তখন সেখানেই থাকিয়া যান। সেই সময় গয়া সেবাশ্রমের অধ্যক্ষ ছিলেন — সন্ধ্যার অন্যতম শ্রেষ্ঠ সাধক সম্মাসী — স্বল্পভাষী, সংযমের প্রতিমূর্তি, দেবোপমচরিত্র পরম পূজাপাদ শ্রীমৎ স্বামী শুক্লানন্দজী মহারাজ। তাঁহারই পুত্র সান্নিধ্যে থাকিয়া সেবক নিরঞ্জন কঠোর পরিশ্রম ও সাধনা করিতে থাকেন। এইভাবে দশ মাস থাকিবার পর ইং ১৯৩৬ সালের মহালয়ার সময় ভগবান আচার্যদেব গয়া সেবাশ্রমে আসেন। তাঁহার সহিত দেখা হইবা মাত্রই তিনি সন্তানকে চিনিতে পারিয়া বলেন — “তুমি এখানে কতদিন আছ?” উত্তরে সেবক বলেন — আমি এখানে প্রায় দশ মাস যাবৎ আছি। তিনি সন্তুষ্ট হইয়া তাঁহাকে সন্ধ্যার কাজ প্রাপণে করিতে উৎসাহ দেন।

গয়াধামে মহালয়ার সেবাকার্য সমাপ্ত করিয়া শ্রীমৎ আচার্যদেব ১লা কার্তিক সন্ধ্যাবেলা কাশীধামে রওনা হইবার সময় কৃপা করিয়া সেবক নিরঞ্জনকেও সঙ্গে লইয়া যান। তখন ঐকাশীধামে সন্ধ্যার নিজস্ব আশ্রম স্থাপিত হয় নাই। ইং ১৯৩৬ সালে ঐকাশীধামে দেউরিয়া বীরভবনের বিরাট ভাড়া বাড়ীতে শ্রীশ্রীদুর্গাপূজা অনুষ্ঠিত হয়। সেখানে ৬ই কার্তিক শুভ ঐমহাষ্টমীর পুণ্যদিনে ভগবান আচার্যদেব সেবক নিরঞ্জনের অন্তরের আকুলতা-ব্যাকুলতায় সন্তুষ্ট হইয়া তাঁহাকে কৃপাপূর্বক নৈমিত্তিক ব্রহ্মচার্য সংস্কার (গৈরিক সংস্কার) স্ব-হস্তে প্রদান করেন। তৎপরে তাঁহাকে প্রচার পাটিতে প্রেরণ করেন। পূজনীয় শ্রীমৎ স্বামী প্রজ্ঞানন্দজী মহারাজ, শ্রীমৎ স্বামী পূর্ণানন্দজী মহারাজ, শ্রীমৎ স্বামী চিত্রপানন্দজী মহারাজ প্রভৃতি বিভিন্ন প্রবীণ সম্মাসীদের প্রচার পাটিতে থাকিয়া ব্রহ্মচারী নিরঞ্জন সমগ্র ভারতবর্ষ পরিভ্রমণ করেন।

ইং ১৯৩৮ সালের পুণ্যময়ী ঐমঘী পূর্ণিমার শুভ দিনে বাজিতপুর সিদ্ধপীঠে ভগবান আচার্যদেব অন্যান্য সন্তানদের সহিত ব্রহ্মচারী নিরঞ্জনকেও স্ব-হস্তে সম্মাস দান করেন। তখন তাঁহার নাম হয় — “স্বামী ত্রিদিবানন্দ”। তৎপরে শ্রীমৎ আচার্যদেবের নির্দেশে প্রচার পাটিতে ও অন্যান্য স্থানে তিনি সন্ধ্যার বিভিন্ন সেবামূলক কার্যে নিয়োজিত থাকেন।

এই সময় একবার তিনি খুবই অসুস্থ হইয়া পড়েন। কিন্তু ভগবান আচার্যদেবের একটিমাত্র শ্রীহস্ত-স্পর্শে মুহূর্তে সেই রোগ নিরাময় হইয়া যায়। এই বিষয়ে তাঁহার স্ব-মুখের বিবরণ নিম্নে দেওয়া হইল—

“এক সময় আমি তখন শ্রীমৎ স্বামী পূর্ণানন্দজীর পাটিতে চকিৎস পরগণা জেলার বসিরহাটে আছি। কোন উৎসব উপলক্ষে ভোগপাক করিতেছি। রান্না করিতে প্রায় ১-১½ টা বাজিয়া গিয়াছে। তারপরই অতিরিক্ত পরমে পুকুরে নামিয়া খুব করিয়া স্নান করিলাম। স্নানের পরই বুক ও পিঠে হঠাৎ খুব বেদনা অনুভব করিলাম। এমনকি শ্বাস-প্রশ্বাস নিতেও কষ্ট হইতেছিল। কয়েকদিন শয্যা শুইয়া থাকিবার পর শ্রীমৎ স্বামীজী আমাকে কলিকাতা আশ্রমে লইয়া আসিলেন। তখন শ্রীশ্রীঠাকুর ঐদোল পূর্ণিমা উৎসব উপলক্ষে আশাশুনি আশ্রমে গিয়াছেন।

কলিকাতায় স্বামীজীরা আমাকে অনেক ডাক্তার দেখাইলেন। সকলেই বলিলেন — ইহার প্লুরিসি হইয়াছে, হাসপাতালে ভর্তি করিতে হইবে। আমি তখন স্বামীজীদিগকে কাতরভাবে বলিলাম — আমাকে শ্রীশ্রীঠাকুরের কাছে লইয়া চলুন। শ্রীমৎ পূর্ণানন্দ স্বামীজী আমাকে আশাশুনি আশ্রমে লইয়া গেলেন। রাত্রি প্রায় ১২টায় আমরা সেখানে পৌঁছিলাম। শ্রীশ্রীঠাকুর তখন কাণ্ডারী নৌকায় ছিলেন। তখন শ্রীমৎ স্বামীজী সেখানে নৌকার ভিতরে গিয়া দেখেন যে, শ্রীশ্রীঠাকুর তখনও পর্যন্ত আমাদের জন্য বসিয়া অপেক্ষা করিতেছেন। স্বামীজী শ্রীশ্রীঠাকুরকে আমার অসুখের কথা বলিতে তিনি আমাকে ভিতরে লইয়া যাইতে বলিলেন।

আমি ভিতরে গিয়া প্রণাম করিতেই আশীর্বাদ করিয়া বলিলেন — “কি হইছে রে?” আমি বলিলাম — আমার বুক, পিঠে খুব বেদনা, শ্বাস নিতেও কষ্ট হয়। তিনি বলিলেন—“কই, দেখা দেখি।” আমি তখন জামা খুলিয়া হাত দিয়া দেখাইতেই তিনি আমার বুক ও পিঠে ধীরে ধীরে হাত বুলাইতে বুলাইতে বলিলেন—“ও কিছু না, সব সেরে যাবে। ডাক্তাররা কি জানে? তুই এই কয়দিন সবসময় আমার সঙ্গে সঙ্গে থাকবি। ও সব সেরে যাবে।”

তাঁহার এই আশীর্বাদে আমি খুবই আশ্বস্ত হইলাম। কয়েকদিন একটু কষ্ট হইলেও আমি সব সময় তাঁহার সঙ্গে সঙ্গে থাকিতাম। যাত্রা করিতে বলিতেন, তাহাই করিতাম এবং যাত্রা থাইতে দিতেন তাহাই খাইতাম। এইভাবে কয়েকদিন থাকিয়া উৎসবান্তে কলিকাতায় আসিয়া পূজনীয় শ্রীমৎ প্রজ্ঞানন্দজী মহারাজের পাটিতে মাদ্রাজে রওনা হইয়া গেলাম। আশ্চর্যের বিষয় — সেইদিন হইতে আমার সমস্ত ব্যথা-বেদনা কোথায় চলিয়া গেল; আমি সম্পূর্ণ সুস্থ বোধ করিলাম। শ্রীশ্রীঠাকুরের অপার কৃপায় ও আশীর্বাদে আমি এইভাবে বিনা

ঔষধেই সেই রোগ হইতে মুক্ত হইলাম। কি তাঁহার অলৌকিক কৃপা ও আশীর্বাদ!”

এই কথা শ্রীমৎ স্বামীজী আমাকে নিজ মুখে বলিয়াছিলেন। তখন হইতে তাঁহার গভীর বিশ্বাস ছিল যে, — তাঁহার কোন ব্যাধি হইতে পারে না। কারণ, শ্রীশ্রীঠাকুর স্ব-হস্তে তাঁহার বুক-পিঠে হাত বুলিয়া বলিয়াছেন—“ওসব কিছু না, সব সেয়ে যাবে।” এরপর হইতে যখনই তাঁহার কোন অসুখ হইয়াছে, তখনই তিনি হাসিয়া বলিয়াছেন—আমার কোন অসুখ হইতে পারে না — ইহা স্বয়ং শ্রীশ্রীঠাকুরের আশীর্বাদ। এই গভীর বিশ্বাসই তিনি আজীবন পোষণ করিয়া গিয়াছেন।

ভগবান আচার্যদেবের দেহরক্ষার বেশ কিছুদিন পর ইং ১৯৪৯ সালে বাঁকুড়ায় একটি ভাড়া বাড়িতে যখন আশ্রম প্রতিষ্ঠা হয়, তখন সঙ্ঘ-কর্তৃপক্ষ পূজ্যপাদ শ্রীমৎ স্বামী অরুণানন্দজী মহারাজকে অধ্যক্ষ রূপে বাঁকুড়ায় প্রেরণ করেন। তখন তাঁহার সহকারীরূপে শ্রীমৎ স্বামী ত্রিদিবানন্দজী মহারাজও প্রেরিত হন। তারপর ইং ১৯৫১-৫২ সালে পূজ্যপাদ শ্রীমৎ স্বামী প্রজ্ঞানন্দজী মহারাজ ও শ্রীমৎ স্বামী অরুণানন্দজী মহারাজের প্রচেষ্টায় বাঁকুড়া জেলার আদিবাসী অধ্যুষিত রানীবাঁধ ধানায় সঙ্ঘের একটি শাখা-কেন্দ্র স্থাপিত হয়। তখন শ্রীমৎ স্বামী ত্রিদিবানন্দজী মহারাজ অধ্যক্ষরূপে সেখানে প্রেরিত হন। সে-সময় রানীবাঁধ অঞ্চলে ভাল রাস্তাঘাট, বিদ্যুৎ প্রভৃতি কোন কিছু ছিল না। সুন্দর পাহাড়ে ঘেরা জঙ্গলের মধ্যে সেই আদিবাসী অধ্যুষিত অঞ্চলে শ্রীমৎ স্বামীজী অত্যন্ত কষ্ট স্বীকার পূর্বক সঙ্ঘের নির্দেশে নীরবে কাজ করিতে থাকেন। সেখানে তিনি প্রায় ৫০ বৎসর বহু কষ্ট ও অসুবিধার মধ্যে সুদক্ষরূপে আশ্রম পরিচালনা করেন। তাঁহার আন্তরিক সেবায় অভিভূত হইয়া ওই অঞ্চলের সমস্ত আদিবাসিগণ তাঁহাকে দেবতাতুল্য ভক্তি করিত ও প্রাণ দিয়া ভালবাসিত।

সম্ভবতঃ ১৯৯৬ সালে শ্রীমৎ স্বামীজী সঙ্ঘের যুগ্ম-সম্পাদকরূপে কলিকাতা আশ্রমে আসেন। তৎপরে ইং ২০০০ সালে সঙ্ঘের সহ-সভাপতি এবং ইং ২০০৫ সালে সঙ্ঘের সভাপতির পদে আসীন হন। প্রায় ৮ বৎসর যাবৎ এই গৌরবময় পদে আসীন হইয়া সঙ্ঘকে সুদক্ষরূপে পরিচালনা করেন।

আমরা শ্রীশ্রীঠাকুরের রাতুল শ্রীচরণে কাতর প্রার্থনা করি — যেভাবে পূজ্যপাদ স্বামীজিগণ এই মহাসঙ্ঘের এবং শ্রীশ্রীঠাকুরের সেবা করিতে করিতে তাঁহার শ্রীচরণে বিলীন হইয়াছেন, আমরাও যেন তাঁহাদের পদাঙ্ক অনুসরণ করিয়া এই সাক্ষাৎ মুক্তিপ্রদ বিরাট সঙ্ঘের তথা শ্রীশ্রীপ্রাণারাম ঠাকুরের শ্রীচরণে সেবা করিতে করিতে তাঁহার অভয় শ্রীচরণে বিলীন হইতে পারি।

পূজ্য শ্রীমৎ স্বামীজীর শ্রীচরণে কোটি কোটি প্রণাম জানাই।



জোকার সঙ্ঘ নির্মিত হাসপাতালের উদ্বোধনে পূজ্য স্বামীজী



জোকার সঙ্ঘ নির্মিত হাসপাতালের উদ্বোধন অনুষ্ঠানে পূজ্য স্বামীজী



দুর্গাপুর শাখায় 'আচার্য স্বামী প্রদবানন্দজী মহারাজ' এর জীবনীৰ উপৰ  
প্রদর্শনী উদ্বোধনে পূজা স্বামীজী



সভেষ্ৱৰ বাঁকুড়া শাখায় পূজা স্বামীজী



বালিগঞ্জ প্রধান কাৰ্যালয়ে 'প্রদবানন্দ সেৱা নিকেতন' পরিদর্শনে পূজা স্বামীজী



সভেষ্ৱৰ সিউড়ী শাখায় ধৰ্ম-সংমেলনে শ্রীমং স্বামীজী



রাণীবাঁধ আশ্রমে শ্রীশ্রীঠাকুরের মন্দিরের শিলান্যাস করছেন পূজ্য স্বামীজী



রাণীবাঁধ আশ্রমে মন্দির উদ্বোধনে পূজ্য স্বামীজী